



साःगु भिंगु मरिचरिया नितिं लुमंका दिसै !

लक्ष्मण जमाल /चिलिमि'
प्रोप्राइटर

लाखा छै
LAKHA CHHEN

सोन्हुष्टे, वडा नं. १६, यै, फोन नं.: ४५६०७५८

पत्रकार दबूया दँमुज्याय खुम्ह पत्रकारतयत्त सिरपाः संघीयताय हाथ्या वयाच्चंगु दु : मन्त्री महर्जन

● **लहना संवाददाता**

लहना वाःपौ/ संघीयताय हाथ्या वयाच्चंगु खँ बागमती प्रदेशया श्रम, रोजगार तथा यातायात मन्त्री प्रेमभक्त महर्जन धयादीगु दु । वय्कल संघीयता कार्यान्वयय हाथ्या वयाच्चंगु धासै गुलिखे मनुतयसं संघीयता आवश्यकता मदुगु खँ धायेगु यानाच्चंगु खँ न धयादीगु दु । वय्कल वंगु शनिवाः मध्यपुर थिमि जूगु नेवाः पत्रकार राष्ट्रिय दबूया भिस्वक्वःगु दँमुज्याय उगु खँ धयादीगु खः ।

लिसें वय्कल प्रदेशया कारण यानाः थीथी कथंया अधिकार वयाच्चंगु धासै नकतिनि जक भाषा विधेयक पारित जुयाः आः बागमती प्रदेशय नेपालभाषा व तामाङ भाषायात छु यलाबुलाय हयेगु कुतः जुयाच्चंगु खँ न धयादीगु दु ।

वय्कल प्रदेशया कारण हे आपाल अधिकार जनतायात वयाच्चंगु धासै प्रदेश संघीयता कार्यान्वयन यायेगु निति पत्रकारतयसं दबाब बीमाःगु खँ न धयादीगु दु ।

प्रदेशया विरोध यानाच्चंगु पत्रकारिता पाखे लिसेः बीमाःगु बिचाः प्वकादिसै वय्कल संघीयता



कार्यान्वयन यायेगुलिं पत्रकारतयगु तःधंगु भूमिका दुगु खँ न धयादीगु दु ।

नेपालभाषाया पत्रकारिता विकासया निति प्रदेश सरकार फुचाःगु ग्वाहालि यायेगु धासै वय्कल याकन हे नेपालभाषाया पत्रकारत लिसे च्वनाः योजना दयेकाः न्ह्याःवनेत सहकार्य यायेत थः तयार दुगु खँ न धयादीगु दु ।

ज्याइवल मन्त्री महर्जन जातीय विविधतायात सम्बोधन, सामाजिक न्यायया निति पत्रकारपि संवेदनशील जुइमाःगुलि बः बियादिसै समावेशी पत्रकारिताया विकास व मातृभाषाया

प्रधानमन्त्री जुद्ध शम्शेर देशं निकाला यानादीमह च्यामह भिक्षु मध्ये छम्ह भिक्षु कुमार काश्यप महास्थविरया नामय भिक्षु कौण्डिन्य महास्थविरं स्थापना यानादीगु 'भिक्षु कुमारकाश्यप स्मृति सिरपाः' नेपाल मण्डल टेलिभिजनया सञ्चारकर्मी रामराजा वज्राचार्ययात हनापौ नाप नगद राशि २० हजार तका लःल्हागु खः ।

यल जिल्लाय न्हापाम्ह अपांगमैत्री भवन दय्केगु ज्या यानादीमह समाजसेवी मोतिशान्ति शाक्यं मां व अबुया नामय नीस्वनादीगु 'ज्ञानदेवी-मणीरत्न स्थापित स्मृति पत्रकारिता सिरपाः' नेवाः एचडी टेलिभिजनया वरिष्ठ सञ्चारकर्मी नवीन जोशीयात नगद राशि २० हजार तका नाप हनापौ लःल्हानादीगु खः । देवशोभा कंसाकार नीस्वनादीगु 'ज्ञानज्योति-लक्ष्मीप्रभा स्मृति पत्रकारिता सिरपाः' जनसञ्चार टेलिभिजनया सञ्चारकर्मी सुरेश सैजुयात नगद २० हजार तका नाप हनापौ लःल्हानादीगु खः । अथे हे यलया व्यवसायी 'बाबुराजा ज्यापू फोटो पत्रकारिता सिरपाः' गोरखापत्र अनलाइनया फोटो पत्रकार मनोजरत्न शाहीयात नगद १० हजार नाप हनापौ

लःल्हानादीगु खः ।

विजयराम कर्माचार्य नीस्वनादीगु 'श्रीरामस्मृति न्हुजः पत्रकारिता सिरपाः' चितवनया पत्रकार निशा श्रेष्ठयात नगद १० हजार नाप हनापौ लःल्हानादीगु खः । पत्रकारिता क्रियाशील, नेपालभाषा, संस्कृति, सम्पदा, सञ्चार माध्यम समावेशीकरण, आदिवासी जनजातिया मुद्दा पत्रकारितापाखे योगदान याःपि लैगिंक भौगोलिक व लगायत पक्षय क्रियाशील जुयाच्चंगु पत्रकारिता उगु सिरपाः लःल्हागु खँ पत्रकार दबूया वरिष्ठ न्वकु नाप सिरपाःया काज सुनिल महर्जन धयादीगु दु ।

ज्याइवलय सिरपाः त्याकादीपित पत्रकार दबूया वरिष्ठ उपाध्यक्ष सुनिल महर्जन स्वांमाः, निर्वर्तमान अध्यक्ष सुरजवीर वज्राचार्य खादा व केन्द्रीय अध्यक्ष नृपेन्द्रलाल श्रेष्ठ दोसल्ला व बागमती प्रदेश सरकारया श्रम, रोजगार लिसे यातायात मन्त्री प्रेमभक्त महर्जन हनापौ लःल्हानादीगु खःसा सिरपा दातापिस दां लःल्हानादीगु खः ।

पत्रकार दबूया संस्थापक अध्यक्ष श्रीकृष्ण महर्जन पत्रकारिता ख्यः समावेशी पत्रकार दबू ल्यं ७ पेजय

मेयर साहयात कार्यपालिका बैठक सःतेत मंकाः ज्ञापन पौ

लहना वाःपौ/ यै महानगरपालिकाय नेपाली कांग्रेसपाखे निर्वाचित भिन्च्यामह वडा अध्यक्ष व न्यामह कार्यपालिका दुजःपिसं तत्काल कार्यपालिकाया बैठक सःतेमाःगु माग यासै मेयर बालेन साहयात ज्ञापन पौ बिउगु दु । वंगु आइतवाः यै महानगरपालिकाया प्रवक्ता लिसे १७ वडाया वडा अध्यक्ष नविन मानन्धरया नेतृत्वय वंगु पुचल मेयर साहयात नापलानाः ज्ञापन पौ बिउगु खः । प्रमुख प्रशासकीय

अधिकृतयात कयाः याःगु कारबाही प्रक्रियाय असन्तुष्ट प्वंका वयाच्चंगु पुचल कार्यपालिका बैठक सःतेमाःगु माग याःगु खः । लिसे ज्ञापन पतिइ प्रमुख प्रशासकीय अधिकृतयात कयाः जगु छानबिनया बारे न स्पष्ट यायेमाःगु माग न यानातःगु दु । यै महानगरपालिकाया कार्यकारी प्रशासकीय अधिकारी सरोज गुरागाईयात मेयर साह छानबिन यायेत समिति नीस्वंगु खः । तर उगु ल्यं ७ पेजय



तान्वःया पास

कुल्फी

भपिया दिसै ।

Himalayan Ice

धौ, दुरु, छयः, बटर व क्रिम बजारय उपलब्ध दु

सुर्खविनायक नगरपालिका, वडा नं. १, सिरुटार घनार, ख्वप

९८४४३५३७५१, ९८४३३४९०१५, ९८०८६०८५२५



नेवा: राष्ट्रिय म्ये

चवमि : दुर्गालाल श्रेष्ठ लय् चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन
भीगु लागाय् भी स्वयं हे ज: जुया धुन लुइ धुन
ह्यांगु भुमिइ अष्टमण्डल ह्यांगु चा: दुने थी नगु
भीगु नेवा: ध्वाँय् थ्व हे ख: ज्यान भी सकस्यां छगू
जातितय् स्वायत्त राज्य लुइ कपं च्वय् फिलिमिलिं
राष्ट्र भ:भ: धाय्क न्ह्याके भीगु च:तिं भीगु हिं

सम्पादकीय



प्रशासक निष्पक्ष व तटस्थ जुया: ज्या यायेमा:

संघीय लोकतान्त्रिक गणतन्त्र ता: लाकेत राजनीतिक नेतृत्वया नापनापं प्रशासनिक नेतृत्वया नं महत्वपूर्ण भूमिका दु। थौं कन्हय् नागरिकतय् दथुइ शासन व्यवस्था प्रति गुलि तं ब्वलनाच्वंगु दु व राजनीतिक लिसे प्रशासनिक नेतृत्वया इमान्दारिताया अभावं ब्वलंगु समस्या ख:। प्रशासनिक नेतृत्व राजनीतिक नेतृत्वया बांला:म्ह सल्लाहकार जुइमा:गु ख:।

प्रशासनिक यन्त्रय् च्वपिं सकलें ज्याक:मितसैं निष्पक्ष व तटस्थ रुपं ज्या यात धा:सा यक्वं समस्या समाधान जुइ। तर विडम्बना, भीगु प्रशासनिक संयन्त्र निष्पक्ष व तटस्थ जुइ मफु। सामान्यतया प्रशासनिक क्षेत्रय् निष्पक्ष जुइगुया अर्थ राजनीतिक रुपं निष्पक्ष जुइगु ख:। प्रशासनिक यन्त्रय् च्वपिं मनूतपाखे ख:गु खँय् समर्थन व मखुगु खँय् विरोध यायेमा:। निष्पक्षता धयागु सत्यया प्रतिबद्धता ख:। अथे हे प्रशासकतय्सं थ:गु जिम्मेवारी व ज्याय् प्रतिबद्ध जुइगु न्यायोचित जुइ। प्रशासनं छुं नं तर्क वा बिचा:या पक्षय् जुइमज्यू। थुगु खँ सैद्धान्तिक जूसां नं सामान्य कर्मचारी संयन्त्रं थुगु सिद्धान्तयात व्यवहारय् हये फयाच्वंगु मदु। बरु थ्व बिलकुल अ:ख: जुयाच्वंगु दु। सत्यया खँय् अप्व: धयाथें प्रशासकतय्सं राजनीतिक नेतृत्वलिसे अडान काये फइमखु। प्रशासनिक नेतृत्वय् उच्च पदस्थ अधिकारीत अडान कायेगु पलेसा मन्त्रीया 'एस-मेन' जुयाच्वंगु दु।

तत:ध:गु सफू कण्ठ याना: अपार ज्ञानया भण्डारयात आत्मसात याना: थ:गु प्रशासकया हैसियत दयेकूपिं छम्ह मन्त्रीया 'एस म्यान' मनु जूगु थौं भीगु नितिं तसकं दु:खद् व मछाले मा:गु खँ ख:। सकलें प्रशासकत छप्पें जुया: न्ह्या:वन धा:सा राजनीतिक नेतृत्वं नियन्त्रण याये फइमखु धइगु स्पष्ट जूसां नं प्रशासक व कर्मचारीतन्त्रय् च्वपिं छप्पें जुइ मफयाच्वंगु दु:खद् व खेदजनक ख:। प्रशासनिक यन्त्रं हे राजनीतिक हस्तक्षेप तकं आह्वान या:गु दु।

वास्तवय् प्रशासन धइगु स्थायी सरकार ख:। उकिं ब्यवसायिक जुइगु महत्वपूर्ण जुइ। गुगुं नं शासन प्रणाली वा प्रणालीयात सफल वा असफल यायेत प्रशासनं महत्वपूर्ण भूमिका म्हिती। प्रशासनिक यन्त्रया ज्याक:मितय्सं चाहे जूसा, इमिसं उल्लेखनीय सुधार हयेफु। भीगु प्रशासनिक संयन्त्रत तटस्थ जुइ मफुगु कारणायात म्हसीकेगु व समाधान यायेगु कुत: आ:तक जूगु मदु। गथे देशय् भ्रष्टाचार छाय् व छु कारणं अप्व:गु ख: धइगु बारे आ: तक अनुसन्धान मज्जनि, अथे हे प्रशासनिक यन्त्र तटस्थ जुइ मफुत धइगु नं आ: तक अनुसन्धान मज्जनी। ज्याक:मि प्रणालीइ तटस्थतालिसे स्वापू दुगु थीथी समस्या खनेदूगु दु। प्रशासनया हरेक पक्षय् 'योग्यताय आधारित' प्रणाली लागू यायेमा:, अले सुशासन ऐनयात व्यवहारिक रुपं लागू यायेमा:। अथे हे राजनीति व प्रशासन दथुइ विश्वासया वातावरण दयेके हे मा:।

जुजुवादीतय् एजेन्डा छु ?



दिलीप शाही “शान्तिचञ्जु”

फागुन २५ गते पोखरां लिहां वम्ह पुलांम्ह जुजु ज्ञानेन्द्र शाहयात लसकुस यायेत मुंगु भिडं उत्साहित जूपिं जुजुवादी राजतन्त्र स्थापना जुइमा:गु छगू सूत्रीय माग ज्वनाच्वंगु दु। अथे ला राजतन्त्र पुर्नस्थापना यायेमा:गु माग यासैं नीस्वंगु समिति थ: हे विवादय् घेराय् ला:गु दुसा अन्तसन्त न्ववाना: चर्चाय् वयाच्वनिम्ह दुर्गा प्रसाई थ:पिनिगु ज्याइवलय् राष्ट्रिय प्रजातन्त्र पार्टी लब: कायेगु ज्या या:गु द्वपं बियाच्वंगु दु। जुजुवादीतय्सं राजतन्त्र पुर्नस्थापना यायेमा: धका: धया ला च्वंगु दु। तर राजतन्त्र पुर्नस्थापना लिपाया एजेन्डा छु ख: धका: स्वयेगु ख:सा उमिके छुं हे स्पष्ट खाका धा:सा खनेमदु। छाया धा:सा नेपा:मि जनतां न्हापा नं राजतन्त्र भोगे मया:गु मखु। २०६२/६३ सालया आन्दोलनया न्हय: तक नेपा:मि जनतां राजतन्त्रया शासन मस्व:गु पक्का नं मखु। उगु इलय् जुजु जुयाच्वंम्ह ज्ञानेन्द्र शाहया कर्तुत सायद न्हू पुस्ताया ल्याय्महतय्सं मसिउ जुइ। अथे जुया: छपुच: ल्याय् म्ह राजतन्त्र पुर्नस्थापना यायेमा:गु खँ धायेगु यानाच्वंगु दु। उकिया कारण धा:सा देय्या राष्ट्रियता खतराय् ला:गु, देशय् भ्रष्टाचार अप्व:गु व थीथी कथया अराजकता अप्व:गु कारणं राजतन्त्र पुर्नस्थापना यायेमा:गु ख: धायेगु यानाच्वंगु दु। तर वास्तवय् राजतन्त्र पुर्नस्थापना जुइवं राष्ट्रियता बल्लाइगु ख: ला ? भ्रष्टाचार निर्मुल जुइगु ख: ला ? अप्वया वनाच्वंगु अराजकता मदइगु ख: ला ? थुखेपाखे केन्द्रित जुया: बहस यायेमा:गु आवश्यकता थौं जुयाच्वंगु दु।

अथे ला थौं कन्हय् राजतन्त्रयात कया: गलत भाष्य निर्माण यायेगु ज्या जुयाच्वंगु दु। राजतन्त्रया इलय् थीथी कथंया विकास निर्माण जूगु। देशय् भ्रष्टाचार मदुगु। देशय् थीथी कथंया कलकारखाना निर्माण जूगु आदि गलत भाष्य निर्माण यायेगु ज्या जुयाच्वंगु दु। गुगु कि गलत ख:। थ्व खँयात कया: आम सर्वसाधारण जनतायात थुइकेगु ज्या राज्य व राजनीतिक पार्टीतय्सं यायेमा:गु ख:। तर यानाच्वंगु मदु। पञ्चायत कालय् गुलि विकास निर्माण जुल धइगु खँया तथ्य व प्रमाणया आधारय् स्वयेगु ख:सा यच्चुक सीदु राजतन्त्र कालय् नेपा: विकास जूगु मखु अखतं विनास पाखे वंगु ख:। अझ गुलिस्त्यां धायेगु यानाच्वंगु दु। राजतन्त्र कालय् दयेकूगु कल कारखाना प्रजातन्त्र वयेधुंका: मिया नयेगु ज्या जुल धका:। तर वास्तविकता थुकिया पाय्छि अ:ख: ख:। राजतन्त्रया इलय् देय्यात मा:गु बजेट दयेकेत तकं ध्यबा मदयेवं

तत्कालीन पञ्चायती व्यवस्था विश्व बैंकयाके त्यासा फवनेमा:गु अवस्था व:गु ख:। उगु इलय् विश्व बैंकं यदि नेपा:या कलकारखाना निजीकरण यायेगु ख:सा जक त्यासा बीगु धायेवं अन्तत: तत्कालीन राजतन्त्र नेपा:या कलकारखाना निजीकरण यायेत तयार जूगु ख:। थुकथं स्वयेगु ख:सा नेपा:या कलकारखाना निजीकरण यायेगु ज्या राजतन्त्र सहितया पञ्चायती व्यवस्था न्ह्याकूगु स्पष्ट दु।

मेता खँ विकास निर्माणया खँ ल्हायेगु ख:सा तापाक वनेम्वा:



राजतन्त्र कालय् नेपा:मिया शैक्षिक अवस्था छु गज्या:गु अवस्था दुगु ख: थौं नेपा:या शैक्षिक अवस्था जान थ्यनाच्वन। राजतन्त्रया इलय् नेपालय् मतया व्यवस्था गुलि जुयाच्वंगु ख: थौं गुलि दु। आपालं तथ्यांक धयाच्वंगु दु नेपा:या अवस्था राजतन्त्र कालय् स्वयां गणतन्त्रय् आपालं विकास जूगु दु। अले गुगु विकास मज्ज धइगु भाष्य गुगु निर्माण यायेगु ज्या जुयाच्वंगु दु थ्व गलत ख:।

स्वनिग:या थीथी थाय् तकं दुर्गम जुयाच्वंगु अवस्था ख:। यदि उगु इलय् राजतन्त्र कालय् विकास जूगु ख:सा स्वनिग: थीथी थाय् दुर्गम अवस्थाय् मलाइगु ख:। थौं नेपा:या थीथी थासय् यातायातया पहुँच थ्यनाच्वंगु दु। अझ प्रजातन्त्र स्थापना लिपा आपालं दुर्गम थासय् थौं यातायातया सुविधाया लिसे अनया जनजीवनय् आपालं हिउपा: वयेधुंकूगु दु। तथ्य व तथ्यांक स्पष्ट यानाच्वंगु दु। राजतन्त्र कालय् नेपा:मिया शैक्षिक अवस्था छु गज्या:गु अवस्था दुगु ख: थौं नेपा:या शैक्षिक अवस्था गन थ्यनाच्वन। राजतन्त्रया इलय् नेपालय् मतया व्यवस्था गुलि जुयाच्वंगु ख: थौं गुलि दु। आपालं तथ्यांक धयाच्वंगु दु नेपा:या अवस्था राजतन्त्र कालय् स्वयां गणतन्त्रय् आपालं विकास जूगु दु। अले गुगु विकास मज्ज धइगु भाष्य गुगु निर्माण यायेगु ज्या जुयाच्वंगु दु थ्व गलत ख:।

मेता खँ धइगु आपां नेपा:मि विदेशय् पलायत जुयाच्वन वा विदेशय् वना: ज्या यायेत बाध्य जुयाच्वन। थ्व आ:या समस्या मखु। थ्व ला राजतन्त्र कालय् नं आपालं मनूत विदेश वनेगु यानाच्वंगु ख:। उकिया छगू दसु धइगु ब्रिटिश आर्मी नेपा:मि भर्ना जुइगुलिं क्यनाच्वंगु दु। अबलय् राज्यया प्रत्यक्ष स्वीकृति हे नेपा:मियात भारतीय सेना वा बेलायती सेनाय् ह्वयेगु यानाच्वंगु ख:। मेता उगु इलय् नेपा:या कर्णालीया लिसे आपालं थासं नेपा:मि भारतय् वनेगु यानाच्वंगु ख:। उगु इलय् भारतय् तसकं म्हो जक ध्यबा

कया: नेपा:मि जनतां ज्या यायेमा:गु अवस्था ख:। अथे ला थौं कन्हय् गन अवसर दइ अन वना: ज्या यायेगु ख:। थन थाय् वया: दकलय् महत्वपूर्ण खँ छु धा:सा राजतन्त्र पुर्नस्थापना जुल धा:सा राजतन्त्रया एजेन्डा छु ख:। पञ्चायती कालनिसें आ: तक राजतन्त्रं थ:पिनिगु राजनीतिक एजेन्डा, शैक्षिक एजेन्डा, आर्थिक एजेन्डा, प्रशासनिक एजेन्डा थ्व धका: स्पष्ट या:गु मदुनि। अथे धइगु राजतन्त्रयाके न्हापां निसैं आ: तक छुं नं कथंया एजेन्डा मदु धइगु स्पष्ट जू। अले बिना एजेन्डा

राजतन्त्रया पुर्नस्थापना छुकि या नितिं ? छुं भिजन हे मदुगु राजतन्त्र भीत छु यायेत ? अले अज्या:गु राजतन्त्रया लिउ लिउ ब्वाँय् वनेगु धइगु गर्न थ:गु तुतिं थम्हं हे पालेगु ज्या ला मज्ज ला ? छुं एजेन्डा मदुगु। छुं भिजन मदुगु राजतन्त्र लिउ लिउ ब्वाँय् वनेगु धइगु मूर्खता बाहेक मेता मखु। लोकतन्त्रया विरुद्ध राजतन्त्र गुबसं पाय्छि मखु व जुइ मखु।

ख: देशय् भ्रष्टाचार अप्व:गु दु। थीथी कथंया बेथिति अप्व:गु दु। तर उकिया उपचार धा:सा राजतन्त्र पुर्नस्थापना मखु। लोकतान्त्रिक गणतन्त्रयात बल्लाकेगुलिं ख:। गुकि या नितिं जनतां थ:गु विवेक छ्यलेमा:गु दु। गुगु नं कथंया अराजकताया विरुद्ध जनतां स: तयेमा:गु दु। आ:या नेतृत्व गलत ख:सा उकिया विकल्प धइगु आम निर्वाचन ख:। जनतां राजनीतिक नेतातय् दण्ड सजाय बीगु धइगु आम निर्वाचनया इवलय् ख:। तर राजतन्त्रय् थज्या:गु विकल्प दइ मखु। विकल्प मदइगु गुगु नं कथंया शासन व्यवस्था देय् व जनताया नितिं पाय् छि मखु। जनतां हरेक इलय् विकल्प मालाच्वनी। अले थ्व जनताया नैसर्गिक अधिकार नं ख:। अले थ:गु अधिकारी वन्चित जुइगु ख:सा जक राजतन्त्रया वकालत यायेगु पाय्छि जुइ। मखु धा:सा सीधुंकूगु राजतन्त्रया वकालत यायेगु धइगु थ:गु तुतिइ थम्हं पालेगु थें जुइगु खँय् बिचा: यायेमा:गु आवश्यकता जुयाच्वंगु दु।

[illegible]





नेपाःया सम्पदा संरक्षणय् तिबः व भीगु सम्पदा



सुगत रत्न सिन्दुराकार

सम्पदा प्रेमिपिसं
थुकथं थीथी
देशय् लानाच्चंगु
सम्पदायात कयाः
अनुसन्धान
यायेमाःगु अवस्था
दु । थःगु सम्पदा
खः धैगु प्रमाणत
बुभ्के याय्धुंकाः
उकिया अध्ययन
लिपा जक लित
बिइगु ज्या याना
वयाच्चंगु नं वय्
कःपिसं धयाच्चंगु
दु । विदेशया थीथी
थासय् लानाच्चंगु
नेपाःया सम्पदायात
कुतः याना लित
हय्गु धैगु हे सम्पदा
प्रति माया मतिना
क्यनेगु ज्या खः ।

नेपाःमिपिसं सम्पदायात तसकं हे माया मतिना यानाः थःगु जीवनकालय् छ्यलाबुला याना वयाच्चंगु दुसा थुकथंया सम्पदा प्रति थःगु दायित्व बोधं हे सम्पदाया सामाजिक मूल्य मान्यता नं दयाच्चंगु खः । स्वनिगः छागू सम्पदा हे सम्पदां जायाच्चंगु महत्वपूर्ण स्थाय् खः । थनया हरेक त्वाः बहाः बहिली महत्वपूर्ण व दर्शनं जाःगु सम्पदात दु । थन दूगु सम्पदां बौद्ध व हिन्दु धर्मया दर्शनयात नं उलाच्चंगु दु । उकिं थुकथंया महत्वं जाःगु दर्शन पक्ष सुलाच्चंगु सम्पदाप्रति सचेत जुइमाःगु दु । भीसं उगु दर्शन पक्षयात मालेगु व थुइकेगु ज्या म्हो याना वयाच्चंगु अवस्थायात आः चीका न्ह्याःवनेमाःगु ई वःगु दु । सम्पदाया खँ ल्हानाः वनेबलय् थन दयाच्चंगु सम्पदात नं सुरक्षित धाःसा खनेमदु । आपालं सम्पदात खुया यंकेगु ज्या नं इलय् ब्यलय् जुयाच्चंगु दु । गुकिं यानाः थनया समुदाययात लिच्चः लानाच्चंगु दु । उकिं सम्पदायात संरक्षण यायेत समुदायपिं हे सचेत जुयाच्चनेमाः ।

गुलिखे नेपाःमिपिसं थनया बौद्ध व हिन्दु सम्पदाप्रति ध्यान क्वातुकेगु ज्या मयानाच्चंगु हुनिं यानाः हे सम्पदात तंगु खः । सम्पदाया खँ ल्हायेबलय् विशेष यानाः ल्वहँ, सिं, धातु, चां दयेकातःगु मूर्ति वा मौलिक वस्तुत खः । उकियात क्वातुक काय् मफूगु धैगु हे उकिया दर्शन पक्षयात कःघाय् मफया खः । थीथी द्यःपिनिगु बारे क्वातुक कक्षा कयाः ज्ञान आर्जन यायेगु ज्या उलि जुयामच्चंगुलिं हे सम्पदा दुने दुसुनाच्चंगु दर्शन पक्ष छ् वासुया वनाच्चंगु खः ।

सचेत नेपाःमि पिसं थुकथंया ज्ञान हासिल याय्त सफल जुइ अले धाःसा नेपाःया सम्पदायात क्वातुक संरक्षण यायेमाः धैगु चेतना ब्वलनी । इतुबहालं महत्वपूर्ण स्वपाः पौभाः करीव ४५ दै न्ह्यः खुयां यंका विदेशय् लानाच्चंगु खःसा उगु पौभाः हालय् तिनि अमेरिकां लित हय्गु सफल जूगु दु । थुकथं स्वनिगःया आपालं सम्पदात खुया यंकाः विश्वया थीथी देय् लानाच्चंगु धैगु नेपाःमिपिसं सम्पदाया सवालय् क्वातुक ध्यान मतया खः । उकथंया सम्पदात आपालं कुतः याना नेपालय् हानं लित हयेत सफल जूगु धैगु बांलागु खँ ला खः हे खः तर हानं नेपाःया सम्पदा मतनि धैगु छुं विश्वास मदु । उकिं सम्पदाया संरक्षण पक्षयात कयाः नं पलाः न्ह्याकेमाःगु दु ।

नेपाःया सम्पदा धैगु हे सकल नेपाःमिया थःगु सम्पत्ति खः । उकिं थनं खुयार्यकूगु सम्पदात सकले नेपाःमितय्गु महत्वपूर्ण सम्पत्ति खः । उकिं थनया सम्पदात तन धाःसा थःगु सम्पत्ति हे तंगु कथं कयाः उकियात मालेगु दायित्व नं भीगु हे जुयाच्चंगु दु । न्हापा घटनाक्रमयात कयाः पौभाः दयेका उकिइ च्वयेगु चलन । उकिं पौभाः धैगु नं पुलांगु खँया अभिलेख खः । गुलिखँय् पौभालय् चित्र च्वयाः दर्शन पक्षयात तकं उजागर यायेगु कुतः यानातःगु खनेदु । उकिं पुलांगु पौभालय् गुकथंया चित्र च्वयातल व उकिं छु सन्देश वा दर्शनया खँ कनाच्चंगु दु धैगु पाखे मिखा ब्वयाः सम्पदाप्रेमिपिसं स्वय्माःगु खनेदु ।

पौभाःया खँ ल्हानाः वनेबलय् चित्रया खँ नं छक्कः ध्यान बिया वनेमाः । भीसं याना वयाच्चनगु कर्मकाण्डया पुजा आजाय् नं चित्र च्वयातःगु पौभाः ब्वय्गु याना वयाच्चंगु दु । थुकथं विचाः याय्बलय् परापूर्वकालं निसँ हं नेवाःतसें चित्र च्वयेगु ज्या यानाच्चंगु खः धइगु कथं । खास याना चित्र अंगलय् च्वया जिल ला, वँय् च्वया जिल ला व कापतय् च्वया व भ्वंतय् च्वया जिल ला उकथं चित्र च्वया वयाच्चंगु खनेदु । चित्र च्वयेगु धैगु हे विचार पित बिइगु खः । छायाधःसा विचाःयात ब्वय्गु कथं नं चित्र च्वय्गु ज्या याना वयाच्चंगु खनेदु । उकिं चित्र मात्र चित्रया रुपय् जक लानाच्चंगु मदु । चित्रया महत्व धैगु हे उकिइ दुगु ज्ञान वा विचारया प्रतिनिधित्व खः । थुकथंया खँ यानाः हे चित्रया महत्व दयाच्चंगु व थःपिनिगु ज्याखँय् छ्यलाबुला यानाः वयाच्चंगु खः । बौद्ध समाजया कर्मकाण्डय् चित्रया महत्व दयाच्चंगु खँयात नकारे याय् फइमखु । धार्मिक महत्वयात कःघाना कापतय् च्वयातःगु चित्र हे पौभाःया रुप बिया वयाच्चंगु खः ।

बौद्ध नेवाःतय् छैय् छैय् द्यःपिं च्वयातःगु पौभाः ब्वयातःगु दु । थुकथं द्यःपिं च्वयातःगु पौभाः ब्वय्गु धैगु हे थःथःगु छैय् द्यःपिनिगु वास याय्गु नितिं खः । थःगु छैय् द्यःपिनिगु वास जुयाच्चन धाःसा विध्न वाधा दइ मखु व भिं जुयाच्चनी धैगु जनविश्वासं हे द्यःपिनिगु चित्र च्वयातःगु पौभाः ब्वय्गु याना वयाच्चंगु खः । भी पूर्वजपिसं द्यः क्वथाय् हे द्यःपिनिगु चित्र च्वकाः पौभाः तय्गु प्रचलन दु । नेवाः बौद्ध क्रियाकर्मया ज्या याय्बलय् गुरुजुं

पोतालं गुरुमण्डल, स्वस्ति चित्र च्वयाः पुजा याय्गु चलन थौं तक नं दनि । इहिपा बलय् बौद्धतय्गु मूलुखाय् नं पञ्चबुद्ध, मैना पूर्णकलश च्वयातःगु भ्वँ तथा वयाच्चंगु दु । थुकथं हे मेमेगु थीथी सामाजिक ज्याभ्वलय् नं चित्र च्वय्माःगु परम्परा दु ।

खास रुपं धाय्माल धाःसा पौभाः पुलां जुयाः जक महत्वं जुइगु मखु । उकिं कनाच्चंगु दर्शन पक्षं यानाः नं महत्व जायाच्चंगुखनेदु । पौभाःयात हे पौरानिक खँया न्हाय्क धाःसा नं पाइमखु । पौभाः वा पुलां पुलांगु सम्पदायात थौं बांलाः धकाः जक काय्गु यानाच्चंगु दु । विशेष याना मूर्ति, वस्तु वा पौभालय् दयाच्चंगु दर्शन पक्ष व महत्व खाली बांलागुलि जक सिमित मखु धकाः थुइकेगु ज्या यात धाःसा जक मूर्ति, वस्तु, व पौभाःया मर्म थुइकूगु सावित जुइ । विश्वया थीथी थासय् लानाच्चंगु नेपाःया सम्पदा मालाः नेपालय् लित हय्गु ज्या उलि अःपुगु पक्का नं मखु । नेपाःया आपालं महत्वपूर्ण सम्पदात विश्वया थीथी ततःधंगु म्यूजियमय् मालेमाःगु अवस्था दु । नेपाःया सम्पदा दाबी याय् बलय् प्रमाण फवनिगुलिं भीगु थःगु सम्पदाया प्रमाणयात संरक्षण याना तय्माः ।

सम्पदा प्रेमिपिसं थुकथं थीथी देशय् लानाच्चंगु सम्पदायात कयाः अनुसन्धान यायेमाःगु अवस्था दु । थःगु सम्पदा खः धैगु प्रमाणत बुभ्के याय् धुंकाः उकिया अध्ययन लिपा जक लित बिइगु ज्या याना वयाच्चंगु नं वय् कःपिसं धयाच्चंगु दु । विदेशया थीथी थासय् लानाच्चंगु नेपाःया सम्पदायात कुतः याना लित हय्गु धैगु हे सम्पदा प्रति माया मतिना क्यनेगु ज्या खः । नापं नेपाःया सामाजिक जनजीवन नाप स्वानाच्चंगु दर्शन पक्षयात नं जीवन्तता बिइगु कुत याना च्वनेगु खः । अमेरिकाय् लानाच्चंगु यँया इतुबहालं थनिं ४५ दै न्ह्यः स्वपाः तंगु पौभाः नेपालय् लित हय्त सफल जुल । उकिया बारे २०८१ साल फागुन २८ गते पत्रकार सम्मेलन यानाः पौभाःया विषयलय् जानकारी बिइगु ज्या जूगु दु ।

उगु पौभाः लित हयादीम्ह विजय मान सिं डंगोलयात वय् कलं यानादीगु कुतःयात कदर यानाः केशचन्द्र महाविहार संरक्षण समाजपाखें वय्कःयात हनेज्या नं याःगु दु । यँ महानगर पालिकाया उपमेयर सुनिता डंगोलं ज्याभ्वःया मूपाहांया हैसियतं वय्कःयात हनापौ देछाना हंगु

खःसा मतिनाया चिं नं लःल्हाःगु खः । थज्याःगु ज्यां सम्पदायात लित हय्त न्ह्यःचिला च्विपित आत्मबल थकया बिइ ।

ज्याभ्वलय् समाजया नायः प्रज्ञारत्न शाक्यं पौभाःया बारे जानकारी बियादीगु खः । वय्कलं पौभाः तनेधुंकाः उकियात मालेत गुकथंया पलाः न्ह्याकाः धैगु खँ कनादीगु खः । गुकिं याना थुगु पौभाः गथे यानाः तन धैगु खँ उलेगु ज्या जूगु दु । पत्रकार सम्मेलनय् वय्कलं गुणस्तरीय व आकारय् नं तःधंगु इतुबहाःया थुगु सांस्कृतिक व धार्मिक महत्वं जाःगु पौभाः आः इतुबहालय् हे तय्गु ज्या जूइगु खँ नं कनादिल । थुकिया नितिं राज्यं माःगु सुरक्षा व सुविधा बिइमाःगु माग यानादीगु दु । अमेरिकां नेपालय् पौभाः हयादीम्ह नेवाः गुथि अमेरिकाया नायो विजयमान सिं डंगोलं थःगु नुमाः खँया तय्गु भ्वलय् तःधंगु हे कुतः यानाः नेवाः गुथि अमेरिकाया टीमं थुगु पौभाः नेपालय् हय्त सफल जूगु खँ कनादीगु खः ।

वय्कलं आः नं आपालं सम्पदात अमेरिकाय् लानाच्चंगु व उकिया नितिं माःकथंया पलाः न्ह्याकेमाःगु खँ धयादिल । वय्कलं तनावंगु नेपाःया कलाकृति बारे सम्बन्धित थासय् हे वनाः न्यनेकने ज्या जूगु व ताः ई तक थीथी निकायतनाप खँल्हाबल्हाः व समन्वय यानाः स्वदेश लित हय्फूगु धासें थूगु अभियानय् स्वानादीपिं सकसित सुभाय् नं देछानादीगु दु । नेपाःयापाखें पौ छ्वय्धुंकाः अमेरिकाया एफबिआइनं न्हापाः च्यूता तःगु जूसां नं लित हय्गु ज्या मन्ह्याःबलय् न्यूयोर्कया डिस्ट्रिक्ट एटर्नीपाखें प्रक्रिया न्ह्याकागु व थूगु अभियानयात नेवाः गुथि, न्यूयोर्क, लस्ट आर्ट अफ नेपाल व नेपाल हेरिटेज रिकभरी क्याम्पेन थेंजाःगु संस्थां ग्वाहालि याःगु खँ कनादिल ।

ज्याभ्वलय् मूपाहां यँया उपमेयर सुनिता डंगोलं समुदायस्तरपाखें पहल जुयाः तनावने धुंकूगु पुलांगु कलाकृति देय् लित हय् फूगुली लसता प्वकादिसें दूगु सम्पदाया संरक्षणया नितिं थःगु पाखें माक्वं ग्वाहालि याय्गु बचं बियादीगु खः । अमेरिकापाखें नेपाः लितहःगु पौभाः ‘चिन्तामणि लोकेश्वर’, ‘केशचन्द्र आजुया भैरव दर्शन’ व ‘गगनसिं व वय्कःया निम्ह तिरी मय्जु’ या किपाः कियातःगु दु ।

हरेक मंगलवार
राष्ट्रियताको लागि समर्पित



मेरो साप्ताहिक
मेरा साप्ताहिक Mero Saptahik
मालाः मालाः ब्वनादिसँ ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ पनि गरिन्छ ।

हलिं चिनाखँ दिवसया थीथी ज्याइवः



विश्व कविता दिवसया लसताय् यँ मनपा २७ वडाया ग्वसालय् जूगु ज्याइवः ।

हलिं चिनाखँ दिवसया लसताय् शुक्रवाः ग्वसाः ग्वःगु राष्ट्रव्यापी चिनाखँ महोत्सव क्वचाःगु दु । नेपाल प्रज्ञा-प्रतिष्ठानया पूर्वकुलपतिया मू पाहाँसुइ जूगु महोत्सवय् चिनाखँ धेंधेंबल्ला न जूगु खः । साहित्य सदन नेपालं ग्वसाः ग्वःगु धेंधेंबल्लाय् नुवाकोटय् च्वंम्ह एलिसा एकलास न्हाप, ख्वपया भीष्मराज काफ्ले ल्यू पर्वतया तारानाथ पराजुली, उदयपुरया जीवन आरोही व मोरङया सोमनाथ दाहाल लियांल्यु लाःगु खः । धेंधेंबल्लाय् न्हाप, ल्यू व लियांल्यु लाःपित छसिकथं ३० द्वः,

२० द्वः व १० द्वः दां सिरपाः लःल्हाःगु खः ।

प्रतिष्ठानया मेम्ह पूर्वकुलपति गङ्गाप्रसाद उप्रेती, साहित्यकार निनु चापागाईं, ग्वसाः खलः समितिया नायः प्रा डा. हेमनाथ पौडेलं दैय्दसं हलिं चिनाखँ दिवसया लसताय् थजाःगु ज्याइवः ग्वसाः ग्वःगु साहित्यानुरागीतय् नितिं लसताया खँ जूगु धयादिल । ज्याइवल्यु न्याम्ह सिरपाः त्याःपिलिसें २२ म्ह कविपिसं चिनाखँ ब्वंगु खः ।

२५ विश्व कविता दिवस । थुगु दिवसया लसताय् देय् न्यंक

थीथी साहित्यिक संघसंस्थापाखें कविता वाचन यानाः विश्व कविता दिवस हंगु दु । थ्वहे इवल्यु यँया २७ वडाया ग्वसालय् श्रीजना कलेज अफ फाइनान्स आर्टया संयोजनय् विश्व कविता दिवस न्यायेकूगु दु ।

यँ २७ वडा लानिपुखू लागाय् थथे कविता वाचन ज्याइवः याःगु खः । नांजाःम्ह साहित्यकार समालोचक प्रकाश सायमिं न्ह्याकादीगु उगु कविता वाचन ज्याइवल्यु थीथी भाषाभाषीपिसं कविता वाचन याःगु खः । ज्याइवल्यु नेपालभाषाया कविता वाचन भूषणप्रसाद श्रेष्ठ, नारद बज्राचार्य, रजनी मिला, लोचनतारा तुलाधरलिसें थीथी कवि व कवयित्रीपिसं ब्वति काःगु खः । कविता वाचन ज्याइवल्यु यँ २७ वडाया वडाध्यक्ष योगेश खड्गीं मेयर बालेन शाह न च्वयादीगु कविता वाचन यानादीगु खः । वडाध्यक्ष खड्गीं कविता वाचन यानादीपित लुमन्ति चिलिसें खादा न्येकाः हनेज्या याःगु खः ।

जनगायक श्रेष्ठया लुमन्तिइ सांस्कृतिक ज्याइवः



लहना वाःपौ/ जनगायक भृगराम श्रेष्ठयात लुमकाः यँया तेबहालय् सांस्कृतिक ज्याइवः याःगु दु । नेवाः देय् दबू कलाकःमि पुचःया ग्वसालय् जूगु उगु सांस्कृतिक ज्याइवल्यु नेपालभाषाया थीथी कलाकारपिसं जनगायक भृगराम श्रेष्ठ

हालादीगु म्ये हालाः न्यंकूगु खः । ज्याइवल्यु नेवाः देय् दबूया नायः पवित्र वज्राचार्य जनगायक भृगराम श्रेष्ठ यानादीगु योगदानयात लुमकादिसें थथे सांस्कृतिक ज्याइवः यानागु खँ धयादीगु दु । ज्याइवल्यु नांजाःपिं कलाकारपिसं ब्वति काःगु खः ।

पत्रकार दबूया ...

नाप फोनिजं राज्ययात ध्यानाकर्षण याका वयाच्चनागु खँ धयादिसें समावेशी राष्ट्रिय एकता, सामाजिक सद्भावया अभ्र बल्लाका यकी धयादिल ।

पत्रकार दबूया निर्वतमान अध्यक्ष सुरजवीर वज्राचार्य मातृभाषा पत्रकारिताया माध्यम भाषाया संरक्षण यायेगु परम्परा, संस्कृति, सम्पदाया प्रवर्द्धन याये फइगु खँय् बः बियादिसे मातृभाषा पत्रकारिताया विकास यायेगु नितिं राज्य विशेष प्याकेजया घोषणा यायेमाःगु माग यानादीगु खः । पत्रकार दबूया केन्द्रीय अध्यक्ष नृपेन्द्रलाल श्रेष्ठ प्रेस स्वतन्त्रताया तःधंगु कुतलं सञ्चार माध्यम समावेशी जुया थीथी जातजाति व भाषाभाषीया सःयात थाय् बिइमाःगु व मातृभाषा पत्रकारिता विकासया निति राज्य ध्यान बिइमाः खँय् बः बियादीगु खः ।

उकथं हे ज्याइवल्यु 'भिक्षु कुमार काश्यप स्मृति पत्रकारित पुरस्कारया दाता' भिक्षु कोण्डन्य भिक्षु अश्वघोष महास्थवीरया पुरस्कार बीगु घोषणा न यानादीगु दु । वय्कलं थुगुसी निसें पुरस्कार बीगु थःगु योजना दुगु खःसां न इलय् घोषणा याये मफुगु धासें वइगु दँ निसें उगु पुरस्कार बीगु घोषणा न यानादीगु खः । ज्याइवल्यु दातापिं पाखे मोति शान्ति व विजयराम कर्माचारीपिसं न थःपिनिगु बिचाः प्वंकादीगु खः ।

नेवाः पत्रकार दबू वंगु च्यादँ न्हयवं निसें थीथी सिरपाः बिया वयाच्चंगु खः । न्हापां न्यागू विधाय् सिरपाः बिया वयाच्चंगु खःसा वंगु स्वदँ न्हयवनिसें खूगु विधाय् सिरपाः बयाः वयाच्चंगु दु । वइगु दँ निसें थप

छगू सिराः बीगु जतयारी जुयाच्चंगु दु ।

मेयर साहयात ...

समिति बिउगु प्रतिवेदन आः तक न मेयर साहं सार्वजनिक याःगु मनुनि । यँ महानगरपालिकाय् प्रमुख प्रशासकीय अधिकृत मदयाः अनया फुक्कं धयाथें आर्थिक कारोबारया ज्या ठप्प जुयाच्चंगु दु । यँ महानगरपालिकां वंगु प्यला न्हयवनिसें कर्मचारीयात तलब नके फयाच्चंगु मनुनि सा मेखे ठेकेदारतय्त बीमाःगु ध्यबा न मबिउगु कारण यानाः विकास निर्माण न ठप्प जुयाच्चंगु दु ।

सरकारं प्रमुख प्रशासकीय अधिकृत गुरागाईयात याःगु छानबिन सार्वजनिक यायेमाः धासें यँ महानगरपालिकाय् न्हूम्ह कार्यकारी छ्वयाहयेत आनाकानी यानाच्चंगु खः । थ्व स्वयां न्हयः मेयर साहं प्रधानमन्त्री केपी शर्मा ओलीं थःत असफल यायेत प्रमुख कार्यकारी प्रशासकीय अधिकृत छ्वया महःगु द्वपं बियाच्चंगु खः ।

थ्वहे इवल्यु मेयर साहं शहरी विकास मन्त्री प्रकाशमान सिंहयात न्हयसः तःगु दु । साहं सामाजिक सञ्जालय् छगू स्टार्टस च्वसें धयातःगु दु, 'अव्यवस्थित बस्ती चीकेगु, कपन खुसियात व्यवस्थित यायेगु, बालमन्दिरया जग्गा बचे यायेगु, सार्वजनिक सम्पति बचे यायेगु खँ खँय् लिकुनाच्चंगु दु ।'

मेयर साहं थःत बुकेगु नामय् थःगु शहर, क्षेत्र व देय् मर्तकेत इनाप न याःगु दुसा गणेशमान सिंह, पीएल सिंह व नेपाली कांग्रेसया इतिहास धुल्यु त्वाक मख्यायेत न धयातःगु दु ।

कृष्णभक्त महर्जनया म्युजिक भिडियो पिदन

लहना वाःपौ/ हंगकंगय् च्वना वयाच्वंम्ह संगीतकःमि कृष्णभक्त महर्जनया न्हूगु म्ये 'मंगल बजारे' म्येया म्युजिक भिडियोया पितव्वज्या शनिवाः जुल । यल सुनागुया फ्रेण्डशिप पार्टी प्यालेसय् जूगु उगु पितव्वज्याया नेपालभाषाया म्युजिक भिडियो ख्यःया न्हापाम्ह निर्देशक विजयरत्न असंबरे त्वाःदेवाय् मत च्याकाः उलेज्या यानादीगु खः ।

संगीतकःमि कृष्णभक्त महर्जनया सभानायसुइ जूगु उगु ज्याइवल्यु नांजाम्ह संगीतज्ञ ललितरत्न रत्न बेहोशी वज्राचार्य मूपाहाँ कथं भायादीगु खः ।

पितव्वज्या जूगु 'मंगलबजारे' म्येया च्वामि, लय चिनामि न कृष्णभक्त



महर्जन हे खःसा थ्व ज्वः म्ये वय् कःयात सोनम महर्जन साथ बियादीगु दु ।

हरिशरण सायमिं बाजं ग्वयादीगु थ्व म्येय् मनोज महर्जन व सृष्टि महर्जनया नापनापं आपालं कलाकार

पिसं म्हितातःगु दु । थ्व भिडियोया निर्देशन विश्वास वज्राचार्य यानादीगु खः । पितव्वज्या ज्याइवल्यु पाहाँ असंबरे, मूपाहाँ रत्न बेहोशी, बाजं ग्वसामि हरिशरण सायमिं लगायत नुगःखँ तयादीगु खः ।

गोकर्णेश्वरय् नेपालभाषा व नेपाल संवत् लागु यायेत माग



लहना वाःपौ/ नेवाः देय् दबू गोकर्णेश्वर नगर समितिं नेपालभाषा कामकाजी भाषा कथं लागू यायेत, नेवाः लिपि छ्यलेत, नेपालभाषां आखः ब्वंकेत व नेपाल सम्बतयात छ् यलेत गोकर्णेश्वर नगरपालिका व वडा ज्याकुथिइ ध्यानाकर्षण पौ लःल्हाःगु दु । वंगु बिहिवाः गोकर्णेश्वर नगरपालिकाया उपप्रमुख साननानी तामाङ यात ध्यानाकर्षण पौ लःल्हाःगु खः । ध्यानाकर्षण पतिइ नेपाःया संविधान कथं भाषा आयोगया सिफारिसय् बागमती प्रदेशय्

नेपालभाषायात न खस नेपाली भाय् सरह कार्यान्वयनय् यंकेत ऐन निर्माण जुयाः कार्यान्वयनया चरणय् थ्यनेधुकूगु खँ न्हयथनातःगु दु ।

ज्ञापन पतिइ धयातःगु दु, 'सरकारं नेपाल संवतयात न विक्रम संवत नापनापं लागू यायेगु निर्णय यानाः कार्यान्वयन यानाच्चंगु व स्थानीय निकाययात न छ्यलाबुला यायेत परिपत्र यायेधुकूगु अवस्था दु । ऐतिहासिक लिसें सांस्कृतिक रुपं महत्वं जाःगु गोकर्णेश्वर नगरपालिका व नगरपालिका अन्तर्गतया वडा

ज्याकुथिइ आःतक न नेपाःया मौलिक लिपि रञ्जना लिपि नापं नेपाल संवतयात छ्यलाबुला मयाःगु हुनिं साइनबोर्डय् रञ्जना लिपि व फुक्क ज्याय् नेपाल संवत छ्यलाबुला यायेत माग यानाच्चना ।'

प्रदेशय् भाषा ऐन कार्यान्वयन जुइधुकूगु अवस्थाय् नेपालभाषायात न कामकाजी भाषाया रुपं लागू यायेगु नापं गोकर्णेश्वर नगरपालिका दुनेया पुलांग प्राचीन थाय्था नां तयेगु निति संविधान व जनताया भावना कथं नगरपालिका ज्या याइ धैगु आशा यानाः नेवाः देय् दबू गोकर्णेश्वर नगरपालिका समितिं लःल्हाःगु ध्यानाकर्षण पतिइ न्हयथनातःगु दु ।

ध्यानाकर्षण पौ लःल्हायेगु ज्याइवल्यु नेवाः देय् दबू स्वनिगः विशेष प्रदेशया नायः नवीन थेच्वमि, निर्वर्तमान नायः श्रीकृष्ण महर्जन, नेवाः देय् दबूया यँ जिल्ला समितिया नायः धनबहादुर महर्जन तिमिलापिं उपस्थित जूगु खः ।

प्रचलित नेपाललिपिं पिहाँ वयाच्चंगु
म्हसीका लय्पौ ब्वनादिसैं/ब्वंकादिसैं

महसीका लय्पौ
MHASIKA Monthly | महसीका मासिक

हल्चोक भैरव जात्राया नितिं प्रारम्भिक सहलह



लहना वाःपौ/थ्वहे वङ्गु वैशाख १ गतेनिसं लछि तक न्ह्याङ्गु श्री हल्चोक आकाश भैरवया भिनिदैया जात्रा सभ्य व भव्य कथं तःजिक क्वचायेकेत प्रारम्भिक सहलह जुल।

श्री हल्चोक समाजया ग्वसालय् वंगु चैत ६ गते हनुमानध्वाखाया सिसा

बैठकय् जूगु ज्याइवलय् बागमती प्रदेशया सांसद लिसे पुलांम्ह मन्त्री शैलेन्द्र वज्राचार्य, यै महानगरपालिका १८ या वडा अध्यक्ष न्हुच्छेकाजी महर्जन, २४ वडाया वडाध्यक्ष विनोदकुमार राजभण्डारी, हनुमानध्वाखा दरवार क्षेत्र संरक्षण कार्यक्रमया प्रमुख चन्द्रगोपाल

प्रधान, सार्दुल जंग गुल्मया गुल्मपति अनिल श्रेष्ठ, जनसेवा वृत्तया प्रमुख कृष्ण चन्द, सशस्त्र प्रहरीया अशोक न्यौपाने, दरबार हेरचाह अड्डाया प्रमुख काजिमान प्याकुलेल, सामाजिक अभियन्ता गणपति लाल श्रेष्ठ, ट्राफिक व्यवस्थापन समितिया संयोजक रवि तण्डुकार लिसे थीथी खलः पुचः व स्थानीय वासिन्दाया दथुइ सहलह ब्याकूगु खः। जात्राया सुरक्षाया इवलय् सुरक्षा व्यवस्थापन लिसे जात्रायात तःजिक क्वचायेकेगु नितिं सम्बन्धित निकायलिसे सहलह ब्याकूगु खः।

समाजया नायः शेरबहादुर पुतुवारया सभापतित्वय् जूगु खः।

हलिमय् न्ह्याथाय् च्वंसा भनी नेवाः

भासै ! सकसित लसकुस !

द्विनि नवाइ दव, नयाइ दय ग दवइ

World Newah Organization Nepal Chapter

विश्व सम्पदा धलखय् दुध्याःगु ऐतिहासिक थाय्

स्वप लायकू दबलिइ

च्याक्चःगु हलिं नेवाः दि

हना-सिरपा देछा लिसे सांस्कृतिक ज्याइवः

ने.स. ११४५ चित्ताना आमाई

वि.स. २०८१ चैत्र १६ गते शनिवार

29 March 2025 Saturday

सांस्कृतिक ज्याली

धाय् : दत्तात्रय स्वप

सुबसिया ७:३० ताः

औपचारिक ज्याइव

धाय् : स्वप लायकू

सुबसिया १२:३० ताः

हलि नेवाः दव्या सकल जःपिन व्वतिया निति सुच छवये धुनान दु।

छ जयाः सु त्वःफय्ज जसा वक्कियत हे सुच भाःपियाः ज्याइवलय् भायादीत इनाप यानाच्छता।

NEW ZENITH

ENGLISH MODEL SCHOOL

(A renowned & Preferable School For All)

Pre-Registration Open For

CLAS L.K.E. TO SEVEN For Limited Seats

FOR CONTACT:

Tamipukha, Bhurungkhei, Kathmandu, Nepal

Tel. (977-1) 5349164, 5315428 (Off.) | Email: newzenithschool@gmail.com

चाडपर्व प्रति सम्मान गरौं।

- चाडपर्व मनाउँदा अनावश्यक तडकभडक नगरौं,
- मौलिक संस्कार र संस्कृति भल्कने गरी चाडपर्व मनाऔं,
- चाडपर्वलाई सभ्य, शिष्ट र मर्यादित रुपमा मनाऔं,
- धार्मिक, सांस्कृतिक संस्कारलाई निरन्तरता दिऔं,
- असल आचरण र सामाजिक सदभाव प्रवर्द्धन गरौं,
- एक अर्काको चाडपर्व प्रति सम्मान गरौं,
- अरुलाई नकरात्मक असर पार्ने गतिविधि नगरौं,
- धर्म संस्कृति र परम्परालाई सम्मान गरौं।



नेपाल सरकार

विज्ञापन बोर्ड

छत्रपाटी निःशुल्क चिकित्सालय (अस्पताल)

"स्त्रीय शुलभ स्वास्थ्य सेवा सकसियां निति, असहायया निति जक निःशुल्क"

उपलब्ध सेवा

२४ घण्टा सेवा

- इमरजेन्सी
- प्याथोलोजी
- एक्स रे
- ई सी जी
- औषधि पसल
- अन्तरंग सेवा

शल्यक्रिया

- मोतिविन्
- स्तरस कन्सरी
- नाक बास पौटी सम्बन्धि
- हाडतोनी तथा नाक सम्बन्धि
- बिना विरकार प्रियाह क्लीको पन्दर सम्बन्धि

बहिर्ज सेवा

- मुटु रोग
- फेफ रोग
- युरोलोजी
- स्त्री रोग
- बाल रोग
- कवल्नर रोग
- चर्म रोग
- आँखा रोग
- जनरल मेडिसिन
- बर्म तथा बीन रोग
- नाक बास पौटी रोग
- जनरल हेल्थ चेक अप
- नाइरोइड
- मधुमेह

मेमेसु सेवा

- टेसिङ
- इण्टेल्कोपी
- कोलोनीस्कोपी
- फिजियोथेरापी
- हन्डुजाउप्ट, स्नर उपकर र इको
- युरोपेली स्नरको इन्त प्रयोगशाला
- टि.एम.टि. हल्टर

२४ घण्टा

इमरजेन्सी सेवा

७०८ गंगालाल मार्ग, छत्रपाटी, काठमाडौं, फोन: ५३१६१३८, ५३५७९११, ५३६६२२९